



夷則



林鍾



蕤賓


退

符

道藏輯要

法


象



南宮



無射



應鍾

退符詩曰

午時十八八箇星此是陰符退火程馴至堅冰從姤始歛藏品
物至坤盈一般作用惟增減二氣分張見瘁榮滅火息符天地
靜屯蒙二卦稟生成

陽火備露於前陰符復泄於此愚之用心於此者但願人人
有分箇箇圓成作佛成仙以超生死是以不懼天譴冒禁而
言也午時十八八箇星者陰符退火程數從姤始兆馴至坤
盈堅冰也參同契云姤始紀叙履霜最先井底寒泉午爲蕤
賓賓伏於陰陰爲主人是也一陰始萌終至極陰則萬彙歛
藏歸根復命之時也陽火陰符作用須則一般惟有陰陽進

道藏輯要

金液還丹印證圖詩

三

胃集十一
上又上

退之不同榮枯動靜之不一以應天地之升降日月之循環
耳目午至亥運行陰符之候爲暮爲晚蒙卦直事也夫陰符
起姤☱者一陰之卦也以年喻之則斗柄指午五月也以律
言之則蕤賓是也以節比之則夏至小暑也以候應之則螳
螂生後五日鶡始鳴又五日反舌無聲又五日鹿角解又五
日蝸始鳴又五日半夏生也以時明之則日中午也以月體
之則十六十七十八半也以卦象之則晉明夷家人睽蹇也
以符用之則退一陰候也遯☶者二陰之卦也以年喻之則
斗柄指未六月也以律言之則林鍾是也以節比之則大暑
立秋也以候應之則溫風至後五日蟋蟀居壁又五日鷹始

摯又五日腐草爲螢又五日土潤溽暑又五日大雨時行也
以時明之則日映未也以月體之則十八半十九二十也以
卦象之則解損益夬姤也以符用之則退二陰候也否☷者
三陰之卦也以年喻之則斗柄指申七月也以律言之則夷
則是也以節比之則處暑白露也以候應之則涼風至後五
日白露降又五日寒蟬鳴又五日鷹祭鳥又五日天地始
肅又五日禾乃登也以時明之則嘯時申也以月體之則二
十一二十二二十三半也以卦象之則萃升困井革也以符
用之則退三陰候也觀☵者四陰之卦也以年喻之則斗柄
指酉八月也以律言之則南呂是也以節比之則秋分寒露

道藏輯要

金液還丹印證圖詩

三

胃集十二
×上之文

也以候應之則鴻鴈來後五日之烏歸又五日羣鳥養羞又
五日雷始收聲又五日蟄蟲坯戶又五日水始涸也以時明
之則日入酉也以月體之則二十三半二十四二十五也以
卦象之則鼎震艮漸歸妹也以符用之則四陰沐浴候也剝
☶者五陰之卦也以年喻之則斗柄指戌九月也以律言之
則無射是也以節比之則霜降立冬也以候應之則鴻鴈來
賓後五日雀入大水爲蛤又五日菊有黃花又五日豺乃祭
獸又五日草木黃落又五日蟄蟲咸伏也以時明之則黃昏
戌也以月體之則二十六二十七二十八半也以卦象之則
豐旅巽兌渙也以符用之則退五陰候也坤☷者六陰純坤

之卦也以年喻之則斗柄指亥十月也以律言之則應鍾是
也以節比之則小雪大雪也以候應之則水始凍後五日地
始凍又五日雉入大水爲蜃又五日虹藏不見又五日天氣
上升地氣下降又五日閉塞而成冬也以時明之則人定亥
也以月體之則二十八半二十九三十日也以卦象之則節
孚小過既濟未濟也以符用之則退六陰道窮則返歸乎坤
元歸根復命之候也此乃陰符退火之程陰爻一百四十四
也陰符陽火不爽毫髮朝屯暮蒙循環運用則聖胎自然稟
受生成矣